

港東港西

年度神誕 鑼鼓咚咚 醒獅舞龍 八仙出巡
濟公賀譚公 筲箕灣萬人喜哄



中新社圖

又係一年一度譚公誕，長洲有飄色，筲箕灣都有賀誕巡遊，鄭晴就近地嚟呢處趁下熱鬧。今年係香港回歸20周年，「2017年慶賀譚公寶誕巡遊」都係慶祝活動之一，吸引廿幾支隊伍參與，近萬人圍觀。有巡遊隊伍特登着住中華民族各種傳統服飾，寓意「民族團結慶回歸」，仲有小朋友扮成「小濟公」，祈願國家強盛，香港繁榮。

民族團結 共慶回歸

上午十點，中聯辦港島工作部部長吳仰偉、立法會議員張國鈞等人，幫著頭嘅一條逾百呎嘅金龍點睛後，巡遊正式開始。呢次巡遊有慶祝回歸20周年嘅特殊意義，有隊伍就準備咗20頭醒獅助威。除咗舞龍醒獅，仲有八仙、觀音菩

薩、仙劍娘娘一同出巡。當中有一支約30人嘅隊伍，身穿滿族、朝鮮族、蒙古族等服裝邊行邊舞，領隊就話，「呢樣裝扮表示民族團結，共慶回歸」。

巡遊隊伍經過筲箕灣電車總站，唔少搭電車嘅市民都在車廂中同表演者互動。之後巡遊至譚公廟祈福。祈福儀式由道教人士主持，非常傳統，祈求國泰民安、風調雨順，唔止街坊同市民睇睇，有日本、歐洲友人都嚟趁熱鬧，同一班表演者合照。

金裝濟公 祝港繁榮

家住筲箕灣嘅會小姐就話，「已經係第二年觀看表演，希望呢個代表香港嘅活動可以保持落去」，又話最鍾意係佢扮成「濟公」嘅小朋友，大讚「幾得意」。其中一個「小濟公」Cathy，但而家四歲，唔唔先同屋企人搬嚟筲箕灣，但媽媽黃太話，「之前住得遠，冇機會嚟，依家有機會，就希望佢體驗下香港傳統嘅嘢」，媽媽仲講解「濟公」呢身裝扮嘅寓意，金黃色嘅衫，帽好似元寶咁樣，係希望香港經濟發展，繁榮富強。

鄭晴



▲筲箕灣慶祝一年一度民俗慶典「譚公誕」。盛大飄色巡遊隊伍為神祇譚公賀壽，小朋友扮演的濟公極受途人歡迎
大公報記者蔡文豪攝



▲唔少搭電車嘅市民為表演者高聲歡呼
大公報記者蔡文豪攝



▲醒獅助威係每年必備項目
大公報記者蔡文豪攝



▲袁莎妮話張張相都好靚

賀回歸靚相 袁莎妮激讚

今年係香港回歸祖國20周年，好多香港市民都同鄭晴一樣熱切期盼七一來臨，大家一齊慶祝；而香港總商會最近就搞咗一個「你賞香港」攝影比賽，市民可以用「繁榮香港」同「發掘香港」為主題，透過鏡頭描繪繁榮同充滿活力嘅香港，全港上下同旅客同賀特區政府嘅二十歲生日。呢個比賽由3月28日已經開始接受報名，反應非常之熱烈，總商會總裁袁莎妮（Shirley）

仲特登抽時間睇咗部分嘅參賽作品，連佢都話張張相都好靚，真係替班評審頭痛啊！Shirley仲話，比賽獎金獎品總值達5.4萬，得獎作品仲會係金鐘同九龍塘港鐵站展出，難怪吸引到咁多參加者啦！但仲呼籲要參加就快啲喇，因為5月5號就截止，不過唔使驚訝呢排天氣唔好就影響到靚相，只要係1997年回歸後嘅嘢，都可以用嚟參賽嘍！

《綠袖子》播足22年冇得停



網上圖片

▲◀京力士（右）講揀《綠袖子》做背景音樂原因。左為考評局現任秘書長唐創時

每次播起英國民謠《綠袖子》（Green Sleeves），相信一定能勾起跨世代考生的「噩夢」。原因係每年公開考試中、英文聆聽科，都會播放《綠袖子》做背景音樂，一播就播22年，無論你經歷過中學會考、高考或中學文憑試，一定對此曲難以忘懷。

咁今年考評局40周年，揀選此曲的「綠袖子之父」、考評局前任副秘書長京力士（Rex King）早排返港分享往事憶述，自1995年起英文科聆聽考試透過港台播放，《綠袖子》至今一直是背景音樂，話當年覺得呢首

曲嘅調子非常簡單，同埋唔可以揀流行曲或古典音樂，所以就揀咗《綠袖子》。（右上圖為19世紀英國畫家羅塞蒂同名作品）考評局仲話，右計劃轉用其他樂曲，近日呢首考生心目中嘅「死亡之歌」，仲昇網民選為十大「洗腦」歌嘅榜首。

同理，為防止考生「出貓」，考評局由1991年起，准用計算機必須印有H.K.E.A. APPROVED/H.K.E.A.A. APPROVED標籤，原來呢個標籤都係京力士設計，以及係佢規定計算機要印有標籤。

黃國健生日收巨型八達通

尋日佛誕日，原來咁啱係工聯會立法會議員黃國健（KK）生日，一班工聯會立法會議員，郭偉強、何啟明、麥美娟同埋陸頌雄，就去咗KK嘅議員辦公室幫佢慶生，送上四張手工精美嘅生日卡外，仲好抵死咁送張巨型嘅八達通道具界壽

星公，唔單止有黃國健Chok樣，仲貼咗好大個兩蚊嘅上面。生日禮物送八達通，唔通想祝KK嘅政壇四通八達？

原來今年係KK65歲生日，夠秤申請返長者八達通，可以加入「長者兩蚊乘車優惠」嘅行列，無論過海、搭港鐵定

小巴都只需兩蚊，正式成為「兩蚊黃」。黨友郭偉強、潘佩璆亦都係Facebook祝佢生日快樂，仲叫KK得閒多搭車出街添。麥美娟就話雖然KK踏入耆艾之年，但心境同個樣依然好後生，睇來KK駐顏有術，不少黨友都非常之羨慕嘍！

特殊需要童玩App學中文

【大公報訊】記者楊州報道：有特殊教育需要（SEN）孩子的專注力不足、學習動力弱等，阻礙學習進度。香港耀能協會為SEN幼童（K1至K3）度身訂造一套遊戲學習的應用程式，以圖像、音效及影片呈現，讓他們能夠愉快中學習，內容生活化，強化語文中的「聽、說、讀、寫」能力。有家長稱，孩子使用後有明顯改善，更主動學習語文，亦認識更多的中文字，並能講出車站的起點及終點。

耀能協會在現有的語文學習教材套基礎上，開發「學前語文秘笈」程式，讓他們在課外時間進行遊戲式學習。耀能協會言語治療師孫慈敏表示，考

慮到SEN幼童學習能力，故學習內容生活化，令他們能在生活中表現出來。該會職業治療師馮春好說，視覺連結（Visual Closure）對SEN幼童亦重要，在學習語文上，即是要從不完整或部分被遮蔽的字當中推理出整個字，有助他們快速閱讀及理解，更深一層能提升其推論及預測能力。白田幼兒中心家長錢太太五歲多的孩子，專家診斷有特殊教育需要。錢太太說，兒子不喜歡學習中文，「見到就怕，每逢做中文功課都要先喊幾次」，現在他玩這遊戲不亦樂乎，變得主動學習中文及做功課，在車站等車時，會主動向我讀起點到終點的地名，「認識的字變多了」。



▲協會代表表示，「學前語文秘笈」程式內容以生活化為主
大公報記者楊州攝



▲國家宗教局副局長蔣堅永（前排中）一行到訪報國寺

國家宗教局蔣堅永訪報國寺

【大公報訊】國家宗教局副局長蔣堅永一行、港區全國人大代表陳勇、民建聯立法會議員梁志祥及普門基金會主席李月民於佛誕前夕到訪香港報國寺。

香港佛教聯合會執行副會長行腳僧團道平大和尚表示，感謝蔣堅永副局長在香港回歸二十周年之際，帶來國家對香港的祝願和對香港佛教四眾弟子歡喜

、鼓勵和支持。

蔣堅永致辭時肯定香港佛教界對香港社會的和諧，並且讚嘆道平大和尚創建電子版大藏經的願力，勇猛精進的精神。

蔣堅永亦讚賞佛教界在社區的多元化弘法活動，例如在今年舉行的萬人慶回歸佛誕節祈福法會暨敬老齋筵菜宴，共沾佛恩，共賀回歸。

元朗佛誕齋宴 1.2萬長者享口福

【大公報訊】據新華社報道：由香港普門基金會、新界各界慶委會及元朗區慶祝香港回歸祖國二十周年統籌委員會聯合主辦的「萬人慶回歸佛誕節祈福法會暨敬老齋筵菜宴」，分別於4月30日、5月1日及3日在香港元朗區舉行。

三場筵菜宴共筵開1200席，免費接待1.2萬名元朗市、天水圍及鄉郊區的長者。除可參與浴佛祈福及享用豐富齋筵菜外，這些長者還獲贈福袋及欣賞一座3.5米高的冰雕佛像。據主辦方之一的香港普門基金會介紹

，活動節目除包括齋筵菜宴及精彩歌舞、龍獅表演外，會場還設立大型浴佛區、祈福區，更有高僧為香港及參加者誦經祈福，共同分享慶祝香港回歸祖國20周年及佛誕節的喜悅。大會於三日中午12時舉行感恩典禮，與市民共沾佛恩，齊賀回歸。